

sammensetzung der einmütiglichen Waffen/ zu aller Evangelischen Chur  
 Fürsten vnd Stände / wie auch dero mitinteressirten Außländischen  
 Potentaten, vnd insonderheit der Kron Schweden ersprießliche vnd ge-  
 wünschte Wolsfahrt würcklich wieder empor zu heben / vnd assecurriren  
 zu helffen: Also lebe ich der vnterthänigen Hoffnung/ Ewre Churfürst-  
 liche Durchleuchtigkeit werden/ vmb das höchstgedachter Königl. Ma.  
 zu Schweden Ich in aller Vnterthänigkeit davon gewisse versicherung  
 thun möge / mir wegen der furgehenden Tractaten / in gnädigstem ver-  
 trawen/ gründliche Nachricht/ vnd was für würckliche Assistentz auff al-  
 len Nothfall die Cron Schweden / vnd dero Confoederirten, zu Ewrer  
 Churfürstlichen Durchl. wider den Feind: ferner gewiß zuversehen / ge-  
 wierige/ eheste/ gnädige resolution bey Zeiger dieses zugeben in gnaden ge-  
 ruhen / massen Ew. Churfürstl. Durchl. Ich hierumb vnterthänigst zu  
 bitten / mich hiemit verkühnet / Nebest vnterthäniger versicherung/ das  
 ich dieser Orten mit meiner Armeem in stündlicher bereitshaft nur bloß  
 vnd allein auff die occasion warte / vmb zusampft Ew. Churf. Durchl.  
 vnd andern der Cron Schweden mit Confoederirten hochansehnlichen  
 Armeen / ehest gegen den Feind zu gehen / Deswegen dann Ew. Churf-  
 fürstl. Durchl. vmb so viel weniger sich ichtwas zubegeben/ oder einzuge-  
 hen/ vnd dem Feind darin zu wilfahren / So dem allgemeinen Evangeli-  
 schen Wesen vnd consequenter der davon dependirenden Cron Schwe-  
 den zuwiderlauffen möchte/ genötiget seyn werden. Welches/ 2c. Datum  
 Egeln/ den 14. Maii, Anno 1635.

VI.

C O P I A.

Der Churf. Durchl. zu Sachsen Vor-  
 antwort/ an Herrn Feldmarschall Bannern/ am dato  
 Dresden/ den 18. Maii, Anno 1635.

In fern Gruß zuvor/ Edler lieber besonder/ 2c. Uns  
 ist Ew. Schreiben / de dato Egeln/ den 14. Hujus', wohl einge-  
 lieffert worden/ aus welchem wir verstanden/ was massen bey vns  
 wegen derer zu Prag noch furgehenden Friedens-Tractaten/ Ihr ver-  
 trawliche gründliche Nachrichtung / sowol der würcklichen Assistentz  
 halber